



## Aningaasaqarnermut Naalackersuisoq

Ulloq: 19. jun 2012

J.nr.: 01.31.06/12-00580

**Aningaasaqarnermut Akileraartarnermullu Ataatsimiititaliap suliaq nr. 01.31.06/12-00580 pillugu sisamangornermi ulloq 14. juni 2012 aalajangiineranik Naalackersuisunut ilisimatitsineq.**

**Maniitsumi aluminiuliorfissap suliareqqinneqarnerata aaqqissuussaanera aamma Alcoa-mik suleqateqarneq. (Suliaq nr. 01.31.06/12-00580)**

Naalackersuisut **inassutigaa**t,

- kontomi pingaarnermi 64.01.01-imi, Inuussutissarsiornermut Suliffeqarnermullu Naalackersuisoqarfiimmi allaffissornermut tunngasumi, aningaasaliissutit 3.000.000 koruuninik amerlineqassasut, aamma
- kontomi pingaarnermi 64.10.25-imi, Aluminiumik aatsitsiviliornermullu suliniummut tunngasumi, aningaasaliissutit taamaaqqaatanik 3.000.000 koruuninik ikilineqassasut.

### **Aningaasaqarnermut Ataatsimiititaliap oqaaseqaatai**

Suliaq 01.31.06/12-00580-ip, tassungalu ilanngullugu ataatsimiititaliap apeqqutaanut akissutit ulloq 27. maj 2012-imi tiguneqartut, ulloq 14. juni 2012-imi ataatsimiinnermi ataatsimiititaliamit nutaamik suliarineqarnerisa kingorna aningaasaliissuteqarnissamik qinnuteqaammut inaarutaasumik isummerfiginninnissani ataatsimiititaliap aammaarluni kinguartittariaqarpaa. Tamatumani siunertarineqarluni pissutsit 1-3 ataanni allassimasut nassuiaateqarfigineqarnissaat:

1. Ataatsimiititaliap allagaani 23. maj 2012-imeersuni allassimasutut piffissamiluunniit ikaarsaariarfiusumi ataasiakkaat aningaasarsiaqartitsinissamut immikkut isumaqatigiissuteqarfiginissaat ataatsimiititaliamit tunngaviummik eqqarsarnartoqartinneqarpoq. Pissutsip tamatuma itinerusumik erseqqissaavigineqarnissaa ataatsimiititaliamit ujarorneqarpoq aammalu allakkani taaneqartuni 23. maj 2012-imeersuni tamanna pillugu ataatsimiititaliap allataanut oqaaseqaateqarnissaq naatsorsuutigineqarluni.
2. Aningaasaliissuteqarnissamik qinnuteqaammut matumani pineqartumut atatillugu paasisitsiniaanermik ingerlatsinissaq eqqarsaatigineqartoq pisariaqartorlu tassanilu tulleriarineq pillugit itinerusumik nassuiaat ataatsimiititaliamit kissaatigineqarpoq. Naluneqanngitsutut ataatsimiititaliaq allappoq paasisitsiniaanermut atugassatut eqqarsaatigineqartut 2 mio. kr.-it amerlasuutut

isigineqartut, taakkulu minnerpaamik suliniutit annertuut pillugit siamasinnerusumik paasisitsiniaanermut atorineqartariaqartut.

3. Kiisalu suleqatigiinnut immikkoortorta Inuussutissarsiornermut Suliffeqarnermullu Naalakkersuisoqarfiup ataani pilersinneqarlunilu aaqqissuunneqartussa pillugu erseqqinnerusumik nassuiaat ataatsimiititaliamit kissaatigineqarpoq. Tassunga atatillugu suliassat Greenland Developmentimit suliarineqartarsimasut immikkoortortassamut siunnersortinullu avataaneersunut qanoq annertutigisumik agguataarneqassanersut itisilernerqassasoq ataatsimiititaliamit kissaatigineqarpoq, tassungalu ilanngullugu suliassat suut Greenland Developmentimit ingerlanneqartarsimasut taamaatinneqassanersut erseqqissarneqassalluni. Tamatumalu peqatigisaanik immikkoortortassap aamma siunnersortit avataaneersut suliassariligassaasa erseqqinnerusumik erseqqissaatigineqarnissaat kissaatigineqarpoq.
4. Aluminiumimik suliniut pillugu inaarutaasumik isumaqatigiinniarnert inernissaat ataatsimiititaliamit qilanaarineqarput ataatsimiititaliamillu naatsorsuutigineqarpoq Inatsisartut Inuussutissarsiornermut Ataatsimiititaliaat maanna ingerlaneq isumaqatigiinniarnert pillugit qanimut ilisimatinneqartarsimallunilu ilisimatinneqartuassasoq. Aluminiumimik suliniut piffissaq atorineqartoq aammalu suliniutip pisariullunilu aningaasaqarnikkut annertunera innersuussutigalugit aluminiumimik suliniut aningaasat maanna tikillugu atorineqartut killiffiat pillugu nassuiaammik Aningaasaqarnermut Akileraartarnermullu Ataatsimiititaliap taamatullu Inuussutissarsiornermut Ataatsimiititaliap UKA 2012 sioqqullugu pissarsisinneqarnissaat ataatsimiititaliamit qinnutigineqarpoq.

### **Aningaasaqarnermut Ataatsimiititaliap aalajangiinera**

Apeqqutinut 1-3-mut siuliani allassimasunut Naalakkersuisut akissuteqarnissaat utaqqineqarmat Naalakkersuisut inassuteqaataannut isummerfiginninnissani Aningaasaqarnermut Ataatsimiititaliap **kinguartippaa**. Naalakkersuisut akissutaat kalaallisut danskisullu piaarnerpaamik nassutequneqarpoq assilineralu qarasaasiakkut ukununga nassiunneqarluni: [nch@inatsisartut.gl](mailto:nch@inatsisartut.gl) aamma [juul@inatsisartut.gl](mailto:juul@inatsisartut.gl)

Aningaasaqarnermut Ataatsimiititaliap sinnerlugu

Andreas Uldum  
Ataatsimiititaliap siulittaasua